

Estimadu Parenti/Responsável

Departamentu di Saúde Públiku di Massachusetts djuntu ku **[nomi di organizason]** sta ta fazi un inkéritu pa jovens di 12 a 17 anu, ku objetivu di konxi midjor situason di saúdi i bem-estar di jovens di Massachusetts. Jovens di oji ten pa frenti un konjuntu di oportunidadadi i difikuldadi ki podi influensia ses saúdi i bem-estar. Isu podi inklui speriéncias diretamenti ligadu ku saúdi física i mental, relasionamentu, skola, kondison na komunidadadi i asesu pa rekursus. Departamentu di Saúde Públiku ta ba uza informason di es inkéritu pa orienta programas, finansiamentu i polítikas pa djuda jovens na situason atual.

Kuzê ki inkéritu ta pidi nha fidju pa fazi?

Si bu ta konkorda ku participason di bu fidju, el ta ser pididu pa respondi un inkéritu online un bes só. Inquéritu ta dura mas ou menus 15 a 20 minutu pa kompleta. Perguntas di inquéritu ta trata di asesu di bo fidju a nesesidadis i rekursus básiku, saúdi i bem-estar mental, speriénsia ku uzu di substáncias, edukason, seguransa, fonti di informason pa asesu a informason sobri saúdi, bairu, i kontekstu demografiku. Rezultadu di inkéritu ta ba djuda-nu identifika undi ki jovens ten mas nesesidadi. Participason na inkéritu é totalmenti **voluntáriu**. Ka ta ten **ninhun konsekuénsia** pa bô ou pa bu fidju si el ka partisipa. Ainda, jovens podi para di partisipa na kualker momentu, sen problema, i podi skodji ka respondi kualker pergunta ki el ka krê respondi.

Modi ki privasidadi di nha fidju ta ser protejidu?

Tudu resposta di inkéritu ta ser mandadu pa Departamentu di Saúde Públiku di Massachusetts, i ta ser tratadu di forma konfidensial. Inkéritu ka ta pidi ninhun informason pesoal ki podi identifika algen sima nomi, morada, número di telefóni ou email. Informason demográfiku rekolhidu (sima idadi, seksu, rasa/etnia, orientason seksual) ka ta ser uzadu pa Departamentu di Saúde Públiku di Massachusetts pa identifika bu fidju. Resposta di bu fidju na peskiza ta ser djuntadu ku kes resposta di otus jovens pa kria informason estatística jerál ki ka pode identifika studanti individual.

Ten algun risku?

Perguntas di inkéritu difisilmenti ta kauza diskonfortu o problema. Memu así bu fidju podi skodji ka respondi kualker pergunta ki el ka krê respondi Risku di perda ou divulgason di informason konfidensial é mutu baxu. Departamentu di Saúde Públiku di Massachusetts ten prosedimentu pa diminui es risku.

Kal ki benefísiu di es studu?

Dadus recolhidu ku es peskiza ta da programas dentu di Departamentu di Saúde Públiku di Massachusetts informason importanti sobri problemas spesífiku ki jovens ta enfrenta na es momentu, i ta djuda departamentu trata nesesidadis identifikadu na inkéritu. Es ta da tanbé novu informason sobri keston emerjenti ki ta afeta jovens di Massachusetts.

Otus informason

[Nomi di Organizason di Jovens] sta ta kordena realizason di es inkéritu pa Departamentu di Saúde Públiku di Massachusetts. Si bu teni kualker pergunta sobri inkéritu, favor kontata [pesoa di kontaktu na organizason] ou [pesoa di kontatu na departamentu di saúde públiku].

Bu fidju sta dadu oportunidadadi di partisipa inkéritu, a menus ki bu fla-nu ma bu ka krê pa el toma parti. Pur isu, é presisu devolve es formuláriu só si bu **KA KRÊ** pa bu fidju partisipa.

Si bu ka krê pa bu fidju partisipa, favor prenxi es formuláriu i manda-l pa (Organizason di Jovens ta indika direson) até (Organizason di Jovens ta indika data).

Nha fidju, ku nomi sta indikadu di baxu, **ka podi** partisipa na es inkéritu.

Nomi di fidju

Assinatura di Parenti/Responsável

Data